



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 1. Nomen.

urn:nbn:de:hbz:466:1-13167

fidibus intenduntur, *Strabo*. Ter tantum in vitâ lauantur Dardani, post partum, cùm nuptias ineunt, & cùm mortem obierunt, *Ælianu*s cap. 1. lib. 4. *variarum*. Cum Scordisci iuncti Macedoniam, & Græciam depopulati sunt, immo & Delphicum templum Apollinis inuaserunt, vnde cum damno repulsi sunt. Cùm eos inuadere cogitaret Lucius Scipio, auro corruptus fœdus cum eis pepigit, vnde initium bellorum ciuilium credit exortum esse *Appianus* in *Illyricis*.

N v M. 4. Scythæ in inferiori Mœsiâ collocantur, quam Iornandes *Minorem Scythiam*, Zosimus *Scythiam Thracensem*, Plutar-chus *Scythiam Ponticam* dixerunt, vt & eius incolas, *Celto-Scythas*. Ab Homero dici videntur *Διγλωττοι*, & Ephorus tradit ex eâ gente natum Anacharsidem. Idem Homerus *ἄριμοις* appellauit, qui omnia habeant communia, etiam liberos, & vxores, præter gladium & poculum. Erant præterea simplices, ac minimè fraudulenti, idéoque fortè dieti *άλειοι*, sed à vicinis deprauati sunt nonnihil. Hæc *Strabo* lib. 7. At *Plinius* lib. 4. cap. 11. innuit hos Scythes Aroteres dictos esse: videlicet quia terram arabant contra aliorum Scytharum viuendi rationem.

N v M. 5. Iazyges Metanaſtæ origine sunt Sarmatæ, vt ostendimus in Sarmatiâ: qui cùm eam occupassent regionem, & patrium seruarent morem, vt curribus impositi nouas subinde mutarent sedes, dicti sunt *Μετανάσται*: hoc est *domicilia mutantes*, seu *habitationem*: & eorum vestigia remanent in regiunculâ Transylua-niæ quæ adhuc *Ias*, vel *Iazaph* appellatur. *Iazis* etiam ab Ouidio dicitur in singulari 4. de Ponto.

§. 3. De Danubio.

N v M. 1. Nomen.

PRIMVM dictus est Seythicâ lingua *Matosas*, que vox *άποιοις ονοματοῖς* innoxiū sonat, quod sine periculo transmitteretur: sed cùm semel in eo cladē accepissent Barbari homines cum *Δάρεσσι*, seu *Δάρεσσοι* appellarunt: certè τὸ *Δάρος* ex Plutarcho apud Macedonas Mortem sonat. Cato in originibus dictum esse vult à Danis qui iidem sunt cum Dacis: alij recentiores metathesi *Danouium* pro *Abnouium*, ab monte Abnobâ Germaniz vnde existit: alij denique à voce *Saxonicâ Tonau*, seu *Sonitu*.